



1. stjórnarfundur DÍS

Dagsetning: 03.06.2024 kl 18:00.

Staðsetning: Engihjalli 8, 200 Kópavogi.

Mættir: Linda, Ágúst, María Lilja og Þóra Hlín. Sigursteinn og Anna Berg voru rafræn.

Linda ritar fundargerð.

Dagskrá

1. Praktísk mál

Stjórnarmenn kynntu sig og formaður fór yfir helstu atriði varðandi stjórnarstarfið. Ákveðið að stjórnarfundir verði aðra hverja viku á þriðjudögum frá kl 18:00-19:30. Síðasti stjórnarfundur fyrir sumarfrí verður þriðjudaginn 18. júní nk og starfið hefjist á ný eftir miðjan ágúst.

2. Áherslumál starfsársins

Ákveðið að áherslumál starfsársins yrðu þrjú. Áfram verði unnið að því að eftirlit með velferð dýra verði bætt hér á landi, hvalveiðar og málefni refa og sela.

3. Heimasíðan og samfélagsmiðlar

Formaður leggur til að sambandið fái nýja heimasíðu. María Lilja athugar með aðila varðandi heimasíðugerð. Nálgun sambandsins á samfélagsmiðlum rædd. Ákveðið að birta efni frá öðrum þegar það á við, þ.e. ákveðið sérstaklega hverju sinni. Það þarf að móta þennan þátt sérstaklega, verður tekið fyrir síðar.

4. 110 ára afmælishátíð DÍS

Ákveðið að halda hátíðina fimmtudaginn 3. október sem verði bæði málþing og afmælishátíð DÍS. Umræður um yfirskrift, rætt aftur á næsta stjórnarfundum.

5. Höfði í Þverárhlið

Ljóst að velferð dýra er ekki varin á þessum stað, um að ræða áratuga gamalt mál sem sífellt er í ferli hjá yfirvöldum án þess að aðbúnaður dýranna breytist. DÍS hefur fengið svar við kvörtun sem sambandið sendi umboðsmanni Alþingis varðandi vinnubrögð Matvælastofnunar og



sveitarfélagsins Borgarbyggðar, þar sem sambandið sé ekki aðili máls geti umboðsmaður ekki tekið málið lengra. Ákveðið að kæra Matvælastofnun til matvælaráðuneytis. Anna setur upp bréfið.

6. Dánir hvolpar sem fundust í Mosfellsbæ

Dánir hvolpar fundust í poka í Mosfellsbæ í lok apríl. Tilkynnt var til lögreglu en forstjóri MAST sagði í viðtali nokkrum dögum síðar að engin tilkynning hefði borist þeim og hvatti viðkomandi til að hafa samband við stofnunina. Hér er ljóst að pottur er brotinn en nóg er að tilkynna til lögreglu. Ákveðið að ræða þetta á fundi með ríkislögreglustjóra. Linda óskar eftir fundi.

7. Sleppingar á kaninum út í náttúruna

Enn er algengt að gæludýraeigendur sleppi kaninum út í náttúruna en slíkt er bannað. Kaninum sem er sleppt bíður hörmulegur dauðdagi, flestar deyja úr vösbúð. Ákveðið að styðja dýraverndarfélagið Villikanínur með því að deila herferð á samfélagsmiðlum. Linda ræðir við formann félagsins.

8. Önnur mál

i) Starfsmaður DÍS

Sigursteinn benti á að mikil vinna væri unnin af formanni og nauðsynlegt væri að fá félaginu starfsmann sem fyrst. Umræður um verkefni starfsmanns. Formaður kynnir fjárhagsstöðu sambandsins á næsta fundi og ráðning starfsmanns rædd. Ákveðið að senda fyrirspurn á MAR varðandi hvenær sambandið getur sótt um styrk vegna starfsmanns.

Fundi slitið kl 20:00.

Næsti stjórnarfundur verður þann 18. júní.



2. stjórnarfundur DÍS

Dagsetning: 18.06.2024 kl 18:00.

Staðsetning: Rafrænn fundur

Mættir: Linda, Sigursteinn, Þóra Hlín, María Lilja og Ágúst. Anna Berg forfallaðist.

Ágúst ritar fundargerð.

Dagskrá

1. Fundargerð síðasta fundar

Samþykkt.

2. Tekjur og útgjöld

Farið var yfir tekjur og útgjöld félagsins ásamt styrktaráttaki sem nú er í gangi hjá sambandinu. Gjaldkeri og formaður fá það hlutverk að fara yfir reikningana ekki síst með vaxtastöðu í huga. Þau ásamt stjórn mun jafnframt leggja drög að fjárhagsáætlun næsta starfsárs.

3. Starfsmannamál DÍS

Stjórn ræddi hugsanlega ráðningu hlutastarfsmanns sambandsins og munu formaður ásamt Sigursteini leggja drög að starfslýsingu sem aðrir stjórnarmenn munu einnig yfirfara. Undir þessum lið var einnig rædd verkaskipting milli stjórnarmanna og mun formaður sjá um að útdeila hugmyndum að verkefnum fyrir stjórnarmenn.

4. Afmælishátíð DÍS

Upplagg og skipulag slíkrar 110 ára afmælishátíðar var rætt. Stefnt verður að „Hátíð dýrarvelferðar“ þann 7.nóv 2024 þar sem t.d. yrðu áföngum í dýravernd sl. 110 ár fagnað. Að sama skapi yrði litið til framtíðar til þeirra verkefna sem nú eru framundan. Hugmyndir af staðsetningu voru ræddar og mun María Lilja m.a. skoða staðsetningu í Elliðaárdal. Aðrir staðir sem voru nefndir voru salir Hjálpræðishersins, Norræna húsið, húsnæði háskólanna o.s.frv. Rætt var um að bjóða fulltrúum annarra dýraverndar- og hjálparsamtaka um að taka þátt t.d. með kynningu á sinni starfsemi í básum. Stjórnarmenn eru beðnir milli funda að hugsa um hugsanlega fyrirlesara og enn frekar um upplagg hátíðarinnar. Þóra lýsir yfir miklum áhuga að koma m.a. að skipulagningunni.



5. Heimasíða DÍS

María Lilja skoðar á milli funda að finna hönnuð fyrir nýja heimasíðu.

6. Áherslumál starfsársins.

Enn til umræðu en nefnd hafa verið búfjárefirlitið, málefni refa og sela og hvalveiðarnar. Hugmynd að fá frekari upplýsingar um málefni refa og sela frá viðkomandi setrum. Hugsanleg greinaskrif um þessi málefni skipulögð. Sigursteinn og Ágúst beðnir að hugsa leiðir varðandi hvalveiðar.

7. Önnur mál

Búið er að óska eftir fundi með matvælaráðherra og ríkislögreglustjóra en formaður mun halda stjórn upplýstri um framvindu slíkrar beiðni. Rætt var um að fá afstöðu allra stjórnmalaflokka í aðdraganda alþingiskosninga til dýraverndar ekki síst til blóðmerarhalds og hvalveiða.

Fundi slitið kl 19:30.

Næsti stjórnarfundur verður þann 27. ágúst.



3. stjórnarfundur DÍS

Dagsetning: 27.08.2024 kl 18:00.

Staðsetning: Rafrænn fundur.

Mættir: Linda, María Lilja, Anna Berg, Sigursteinn, Þóra Hlín og Ágúst.

Ágúst ritar fundargerð.

Dagskrá

1. Fundargerð síðasta fundar

Samþykkt.

2. 110 ára afmælishátíð DÍS

- a. Upplegg hátíðarinnar rætt og þar með talið hugsanlega fyrirlesara (5-6 talsins) og gesti s.s. önnur dýraverndundarsamtök, erlend sem innlend. Stefnt að líta bæði til fortíðar og framtíðar þegar kemur að dýravernd á Íslandi.
- b. Verkefnum var skipt niður á stjórnarmenn en María Lilja mun leiða skipulagsstarfið í góðu samráði við formann og stjórn.
- c. Athuga þarf með styrk til ráðuneytis vegna hátíðarinnar með bréfi.
- d. Stefnt að hafa hátíðina í 7. nóvember (breytt í 14. nóv?) frá kl. 16-19 í Hinu húsinu.

3. Starfsmannamál DÍS

- a. Kynnt var niðurstaða fjáröflunarátaks DÍS undir þessum fundarlið.

4. Áherslumál DÍS

- a. Selir en Sigurstein mun byrja að skoða þau mál í samráði við Selasetrið
- b. Refir en Anna mun byrja að skoða þau mál í samráði við Refasetrið.
- c. Önnur áherslumál rædd þar með talið hvalavernd og búfjárefirlitið. Rætt um að fylgja eftir orðum ráðherra um hugsanlegar lagabreytingar í haust í þeim efnum í anda tillagna DÍS og Ríkisendurskoðunar frá því í fyrra. Rætt um að fylgja betur eftir tillögum DÍS.



5. Önnur mál

- a. Umræða um önnur mál s.s. um blóðmerahald og skráningu félagsins sem almannahagsmunafélag var frestað til næsta fundar.
- b. Rætt um nýtingu samfélagsmiðla s.s. TikTok. María Lilja tekur að sér að skoða betur.

Fundi slitið kl 19:30.

Næsti stjórnarfundur verður þann 10. september.



4. stjórnarfundur DÍS

Dagsetning: 10.10.2024 kl 18:00.

Staðsetning: Rafrænn fundur.

Mættir: Linda, Sigursteinn, Anna, María Lilja og Ágúst. Þóra Hlín forfallaðist.

Ágúst ritar fundargerð.

Dagskrá

1. Fundargerð síðasta fundar

Samþykkt.

2. 110 ára afmælishátíð DÍS

a. Staðsetning rædd og stefnt að halda hátíðina í Hinu húsinu laugardaginn 16. nóvember.

María Lilja staðfestir við stjórn.

b. Hugmyndir af fyrirlesurum voru ræddar. M.a. var rætt um fyrirkomulag örfyrirlestra, lengri erinda og að hafa kveðjur að utan. Einstök svið dýraverndar s.s. tengsl þess við menntun, meðferð gagnvart fólki, veganisma, hvalavernd, ungt fólk og dýravernd o.s.frv. Þá var rætt um að fjalla frekar um tillögur DÍS og Ríkisendurskoðunar þegar kemur að búfjárefirliti. Stjórn klárar á milli funda.

c. Ákveðið að senda styrkbeiðni til matvælaráðuneytis um hátíðina. Linda undirbýr.

d. Ákveðið að undirbúa ályktun fyrir hátíðina. Stjórn undirbýr.

e. Veiting heiðursnafnbótar á hátíðinni. Stjórn undirbýr.

3. Áherslumál félagsins í vetur

a. Vernd sela. Sigursteinn fylgir eftir

b. Vernd refa. Anna fylgir eftir.



- c. Búfjáreftirlit. Ágúst fylgir eftir í þingmálaskrá stjórnvalda. Fá fund með Bændasamtökunum. Linda óskar eftir. Fá fund með Mjólkursamsölnunni. Linda óskar eftir. Staðfesta fund með ríkislögreglustjóra 10. okt. Linda fylgir eftir
- d. Blóðmerahald. Gildistaka niðurfellingu reglugerðar. Ágúst skoðar

4. Breyting DÍS í almannaheillafélag

Undirbúa slíkt fyrir næsta aðalfund.

5. Samfélagsmiðlar.

María Lilja leiðir og skoðar varðandi að byrja með TikTok aðgang fyrir DÍS.

6. Önnur mál

- a. Starfsmannamál. Huga að auglýsingu og starfslýsingu í tæka tíð. Stefnt að ráðningu snemma næsta árs.
- b. Stjórnarfolk hvatt til að skrifa greinar
- c. Lögheimili DÍS. Það þarf að færa lögheimilið. Linda fylgir eftir.
- d. Um stöðu sauðfjárrekstur í haust. Linda og Anna fylgja eftir.
- e. Nafnið Dýraverndarfélag Íslands sem er upprunalegt heiti DÍS enn skráð á kennitölu á vegum fyrrum formanns DÍS sem ætlaði að láta sambandið hafa nafnið aftur en hefur ekki brugðist við. Linda og Ágúst skoða saman.

Fundi slitið kl 19:30.

Næsti stjórnarfundur verður þann 24. september.



5. stjórnarfundur DÍS

Dagsetning: 24.10.2024 kl 18:00.

Staðsetning: Rafrænn fundur.

Mættir: Linda, María Lilja og Ágúst.

Ágúst ritar fundargerð.

1. Fundargerð síðasta fundar

Samþykkt síðustu fundargerðar frestað.

2. 110 ára afmælishátíð DÍS

Laugardagurinn 16. nóv frá 14-16 í Salnum í Kópavogi. Drög að dagskrá var rædd. Forseti Íslands mun opna viðburðinn. Senda punkta á forseta: Linda og stjórn. Umræður um skipulag. Formaður DÍS flytur ávarp um sögu DÍS. Samþykkt að hafa ályktun í lokin og afhenda heiðursviðurkenningar til félaga. Dýravelferðarsamtökum verður boðið að vera með kynningu á básum (einnig samtök á sviði náttúruverndar og umhverfismál). Stjórnarmenn annars hvattir til að skoða lifandi plagg um hátíðina á Google docs.

3. Áhersluatriði stjórnar í vetur

a. Refir og selir og búfjáreftirlit

Umræðu frestað.

b. Formaður leggur til að DÍS fundi með Bændasamtökum og Mjólkursamsölunni.

Linda finnur fundartíma.

4. Kæra MAST til MAR vegna Höfða

Ákveðið í vor af fyrri stjórn að kæra MAST og sveitarfélagið Borgarbyggð til matvælaráðuneytis og innviðaráðuneytis vegna málsins með sauðféð í Borgarbyggð. Anna skoðar milli funda.



5. Dýravelferðarmál í Skagafirði

Umræðu frestað.

6. Dýratilraunir

Umræðu frestað. Þó talað um að hugsanlega biðja þingmann að senda inn skriflega fyrirspurn til stjórnvalda um efnið til að fá umfang dýratilrauna á Íslandi á hreint.

7. Fræðslustyrkur frá matvælaráðuneyti fyrir fræðsluefni.

Linda og stjórn skoðar.

8. Merki DÍS og uppsetning efni v. samfélagsmiðla

Fá hugmyndir af slíku og kostnaði við slíkt. Ákveðið að hafa samband við hönnuðinn Styngva.

9. Önnur mál

- a. Verkaskipting stjórnar, sjá google docs.
- b. Dráp á ísbirni á Vestfjörðum. Umræður.

Fundi slitið kl 19:15.

Næsti stjórnarfundur verður þann 8. október.



6. stjórnarfundur DÍS 2024-2025

Dagsetning: 08.10.2024 kl 18:00.

Staðsetning: Rafrænn fundur.

Mættir: Linda, María Lilja, Sigursteinn og Anna Berg. Ágúst og Þóra Hlín boðuðu forföll.

Sigursteinn fór af fundi 19:15.

Linda ritar fundargerð.

Dagskrá

1. Fundargerð síðasta fundar til samþykktar

Fært til næsta fundar.

2. 110 ára afmælishátíð DÍS

Umræða um dagskrá og hverjir flytja erindi. Sigursteinn tekur að sér að heyra í tónlistarmanni, erlendum dýravelferðarsamtökum og aðila sem gæti verið kynnir. Anna Berg mun taka að sér að fjalla um dýravelferð og menntamál og ræðir við aðila sem gæti komið að þessu erindi með henni. María Lilja er komin í samband við Samband íslenskra framhaldsskólanema (SÍF) varðandi erindi frá þeim. Hafa þarf samband við náttúru- og dýravelferðarsamtök í næstu viku til að bjóða þeim að taka þátt með því að kynna sína starfsemi.

3. Áherslumál

Búfjárefirlit - Formaður hefur óskað eftir fundi með Bændasamtökum Íslands og einnig Mjólkursamsölnunni til að ræða dýravelferð en ekki fengist. Fundur með ríkislögreglustjóra verður á fimmtudag þar sem ferlar lögreglu í dýravelferðarmálum verða ræddir.

Sigursteinn er í sambandi við aðila hjá Selasetrinu og Anna í sambandi við aðila hjá Refasetrinu til að fá nánari upplýsingar.

4. Kæra MAST til MAR

Ákveðið í vor að kæra MAST og sveitarfélagið Borgarbyggð til matvælaráðuneytis og innviðaráðuneytis þar sem velferð dýranna var ekki varin og ágangsfé ekki smalað heldur féð látið bera eftirlitslaust um sveitina. Anna Berg setur upp bréfið.



5. Dýravelferðarmál í Eyjafirði

Áratugagamalt mál á bæ í Eyjafirði þar sem dýr búa við slæman aðbúnað, vangeta eigenda hefur lengi verið augljós og þessi bæ reglulega tilkynntur án þess að aðbúnaður breytist. Nauðsynlegt er að nærsamfélagið bregðist við í málum þar sem vandamál eru á bæjum. Ekkert ferli er fyrir hendi þegar vangeta er á bæjum. Leyfiskylda þarf búfjárhald þar sem skýrir ferlar eru fyrir hendi þegar vangeta er fyrir hendi sem felur í sér stuðning frá nærsamfélagi og yfirvöldum. Breytist aðstæður ekki þrátt fyrir stuðning er viðkomandi aðili metinn óhæfur og missir leyfið. DÍS þarf að eiga samtál um þetta við MAR, sveitarfélögin, Bændasamtök Íslands og MAST. Rætt að formaður nálgist þetta í erindi á afmælishátíð DÍS.

6. Notkun ólöglegra hundaóla á sýningum HRFÍ

HRFÍ benti félagsmönnum á að kynna sér ólöglegan búnað fyrir síðustu sýningu í október, en stöðvaði ekki notkun þessara óla á sýningunni. Um er að ræða ólar sem herðast óheft að hálsi og er ill meðferð. Hundar í verðlaunasætum með þessar ólar hjá HRFÍ. Ákveðið að senda annað erindi til HRFÍ vegna þessa.

7. Merki DÍS og uppsetning efni v. samfélagsmiðla

Fært til næsta fundar.

8. Önnur mál

Engin.

Fundi slitið kl 19:30.

Næstu fundur verður þriðjudaginn 22. október kl 18:00.



7. stjórnarfundur DÍS 2024-2025

Dagsetning: 22.10.2024 kl 18:00.

Staðsetning: Rafrænn fundur.

Mættir: Linda, María Lilja, Ágúst Ólafur og Þóra Hlín. Sigursteinn og Anna Berg boðuðu forföll.

Linda ritar fundargerð.

Dagskrá

1. Fundargerð síðasta fundar til samþykktar

Fundargerðir 4. og 5. stjórnarfundar samþykktar.

2. 110 ára afmælishátíð DÍS

Umræður varðandi undirbúning afmælishátíðar. Þóra Hlín tekur að sér að hafa samband við Morgunblaðið og Kópavogsblaðið.

4. Blóðmerahald

Ósk frá erlendum dýravelferðarsamtökum, AWF/TSB um samstarf í tengslum við komandi kosningar. Fundur með þeim á fimmtudaginn kemur, Linda og María Lilja verða fulltrúar DÍS á fundinum.

5. Afstaða stjórnarmálflokka til dýravelferðarmála

Ákveðið að halda pallborðsumræður með stjórnarmálflokkunum til að heyra þeirra afstöðu til dýravelferðarmála. Ágúst tekur að sér að hafa samband við flokkana.

6. Merki DÍS og uppsetning efni v. samfélagsmiðla

Frestað til næsta fundar.

7. Aðbúnaður dýra í gæludýraverslun

Í gæludýraversluninni Fískó eru páfagaukarhaldnir í búrum beint fyrir ofan búrin fyrir smádýrin (kanínur, naggrísir, hamstrar). Páfagaukarnir garga stanslaust og um að ræða brot á reglugerð um velferð gæludýra: *"Staðsetja skal ólíkar tegundir dýra í gæludýraverslun þannig að staðsetningin valdi þeim sem minnstu álagi og streitu."*



MAST hefur einhverra hluta vegna heimilað Fiskó að setja þetta svona upp þótt það sé ljós að áreitið er mikið. Einnig eiga gæludýraverslanir að afhenda fólki upplýsingabækling þegar það kaupir af þeim dýr - slíkt er ekki gert í Fiskó og jafnvel ekki í öðrum slíkum verslunum. Ákveðið að senda ábendingu til MAST.

Fundi slitið kl 19:15.

Næsti fundur verður þriðjudaginn 5. nóvember kl 18:00.